

**Aningaasanik ingerlataqarneq pillugu inatsimmi, pappiaqqanik aningaasanik nalilinnik niuerneq il.il. pillugit inatsimmi, anigaasatigut patajaatsuuneq pillugu inatsimmi aamma eqqartuussivikkoortumik nalunaarsuineq pillugu inatsimmi § 1- ip ilaanik Kalaallit Nunaannut atulersitsineq pillugu peqqussut (Obligationinik atulersitsinermut atatillugu sinniisut pillugit maleruagassanik eqquassinermi inuussutissarsiornermi obligationinut niuerfiup nukittorsarnera aamma aningaaseriviit aningaasaleeqqinnermik nalunaarsuiffinnik pilersitsinissamut, illuummik qularnaveeqqusiilluni taarsigassarsisitsisarfirmi taarsigassarsisunit allaanerusut illuummik qularnaveeqqusiilluni taarsigassarsisitsisarfirmiit pigineqartunik peqatigiiffimmi sunniuteqarsinnaanerat il.il. periarfissaqarneq)**

UAGUT MAGRETHE AAPPAAT, Guutip saammaanneragut Danmarkip Dronningia, nalunaarpugut:

Aningaasanik ingerlataqarneq pillugu inatsimmi, pappiaqqanik aningaasanik nalilinnik niuerneq il.il. pillugit inatsimmi, anigaasatigut patajaatsuuneq pillugu inatsimmi aamma eqqartuussivikkoortumik nalunaarsuineq pillugu inatsimmi nr. 1613, 26. december 2013-meersumi § 6<sup>i</sup>-p malitsigisaanik (Obligationinik atulersitsinermut atatillugu sinniisut pillugit maleruagassanik eqquassinermi inuussutissarsiornermi obligationinut niuerfiup nukittorsarnera aamma aningaaseriviit aningaasaleeqqinnermik nalunaarsuiffinnik pilersitsinissamut, illuummik qularnaveeqqusiilluni taarsigassarsisitsisarfirmi taarsigassarsisunit allaanerusut illuummik qularnaveeqqusiilluni taarsigassarsisitsisarfirmiit pigineqartunik peqatigiiffimmi sunniuteqarsinnaanerat il.il. periarfissaqarneq) aalajangersarneqarpoq:

## **§ 1**

Aningaasanik ingerlataqarneq pillugu inatsimmi, kunngip peqqussutaatigut nr. 1252, 15. december 2004-meersukkut Kalaallit Nunaannut atulersinneqartumi, peqqussut nr. 1047, 1. september 2010-meersukkut, peqqussut nr. 838, 14. august 2012-meersukkut, [inatsit 1553, 21. december 2010-mut tunngatillugu][inatsit 1556, 21. december 2010-meersumut tunngatillugu][inatsit 456, 18. maj 2011-mut tunngatillugu][inatsit 616, 14. juni 2011-mut tunngatillugu] [inatsit 155, 28. februar 2012-mut tunngatillugu] [inatsit 273, 27. marts 2012-mut tunngatillugu][inatsit 557, 18. juni 2012-mut tunngatillugu][inatsit 1231, 18. december 2012-mut tunngatillugu][inatsit 1287, 19. december 2012-mut tunngatillugu][inatsit 1383, 23. december 2012-mut tunngatillugu] [inatsit 598, 12. juni 2013-mut

tunngatillugu][inatsit nr. 599, 12. juni 2013-mut tunngatillugu][inatsit 615, 12. juni 2013-mut tunngatillugu][inatsit nr. 617, 12. juni 2013-mut tunngatillugu], allanngortinneqartumi, imatut allannguisoqarpoq:

**1. § 1, imm. 2-mi,** »anigaasanik piginnittut suliffeqarfiit« imatut allanngortinneqarpoq: »anigaasanik piginnittut suliffeqarfiit aamma sillimmasiisarfinnik piginnittut suliffeqarfiit«, aamma »§ 71, imm. 1, nr. 9, aamma imm. 2« imatut allanngortinneqarpoq: »§§ 70 aamma 71«.

**2. § 1, imm. 2-mi,** »§ 124, imm. 2, nr. 1, § 125, imm. 2, nr. 1,« peerneqarpoq.

**3. § 1, imm. 2-mi,** *oqaaseqatigiit aappaattut* aamma *oqaaseqatigiit pingajuattut* ikkunneqarput: »Anigaasanik piginnittut suliffeqarfinnut § 124, imm. 2, nr. 1 aamma § 125, imm. 2, nr. 1 aamma atorput. Sillimmasiisarfinnut piginnittut suliffeqarfinnut aamma § 126 atorpoq.«

**4. § 1, imm. 17-mi,** »nr. 24 aamma 25,« imatut allanngortinneqarpoq: »nr. 27 aamma 28,«.

**5. § 5, imm. 1, nr. 10, litra a-mi,** »taamaattorli imm. 7 naapertorlugu, imaluunniit« imatut allanngortinneqarpoq: »taamaattorli oqaaseqatigiit aappaat aamma imm. 7 naapertorlugu Suliffeqarfik piginnittoq suliffissuarimi anigaasanik ingerlataqarfiit taamaallaat sillimmasiisarfittut suliffeqarfiuppata anigaasatigut piginnittut suliffeqarfiunngillat.«

**6. § 5, imm. 1, nr. 10, litra b-mi,** »suliffeqarfik piginnittoq« imatut allanngortinneqarpoq: »Suliffeqarfik piginnittoq«.

**7. § 5, imm. 1-mi,** nr. 12-p kingorna normut nutaat ikkunneqarput:

»13) *Sillimmaffimmik piginnittut suliffeqarfik:* Suliffeqarfik piginnittoq, pingaarnertut ingerlataa tassaalluni suliffeqarfinni pigisani anigaasaatit ilaanik pissarsinissaq pigisaqarnissarlu, suliffeqarfiit pigisat taakku taamaallaat annerusumilluunniit sillimmasiisarfittut imaluunniit sillimmaseeqqiffittut suliffeqarfiuppata imaluunniit nunami isumaqatigiisummut ilaanngitsumi sillimmasiisarfittut imaluunniit sillimmaseeqqiffittut suliffeqarfiuppata ikinnerpaamillu suliffeqarfinni pigisani ataaseq sillimmasiisarfittut imaluunniit sillimmaseeqqiffittut suliffeqarfiuppata. Sillimmasiisarfinnik piginnittut suliffeqarfik anigaasanik piginnittut suliffeqarfiunngilaq, nr. 10 naapertorlugu 14) *Sillimmaffimmik piginnittut suliffeqarfik allanik ilalik:* Suliffeqarfik piginnittoq, anigaasanik ingerlataqarfiunngitsaq, nunami isumaqatigiisummut ilaanngitsumi sillimmasiisarfinnunngitsaq imaluunniit sillimmaseeqqiffittut suliffeqarfiunngitsaq, anigaasanik piginnittut suliffeqarfiunngitsaq imaluunniit sillimmaseeqqiffittut piginnittut suliffeqarfiunngitsaq, aamma sillimmasiisarfittut imaluunniit sillimmaseeqqiffittut suliffeqarfiusumik suliffeqarfimmik ikinnerpaamik ataatsimik pigisaqartoq.«

Nr. 13-22 matuma kingorna nr. 15-24-nngorput.

**8. § 5, imm. 1-mi,** nr. 22-p kingorna, nr. 24-nngortumi, immikkoortut nutaat ikkunneqarpoq:

»25) *Siunertamut aalajangersimasumut ingerlatseqatigiiffik:* Ingerlatseqatigiiffik, pingaarnertut anguniagaa tassaasoq pappiaqqanik anigaasanik nalilinnik atulersitsisarneq allatigulluunniit pigisanik nalilinnik pisinissamut anigaasalersuisussanik pissarsinissaq, anigaasaleeqqinnermik nalunaarsuiffimmi ilanngunneqarsimasooq aamma anigaaserivimmiit § 152 p-mut ilaasoq anigaasaleeqqinnermik nalunaarsuiffimmik pilersitsinissamut Finanstilsynimiit akuersissuteqartoq.«

Nr. 23-28 matuma kingorna nr. 26-31-nngorput.

**9. § 5, imm. 3, § 61, imm. 1, oqaaseqatigiit aappaanni, § 61 a, imm. 1, nr. 2,** sumiiffinni pingasuni aamma § 61 c, imm. 2-mi, § 63, imm. 4-mi, aamma § 347, imm. 3-mi, »anigaasanik ingerlataqarfik imaluunniit anigaasanik piginnittut ingerlataqarfik« imatut allanngortinneqarpoq: » anigaasanik ingerlataqarfik imaluunniit anigaasanik piginnittut ingerlataqarfik imaluunniit sillimmasiisarfik piginnittut suliffeqarfik«.

**10. § 14, imm. 1, nr. 4-mi,** »nr. 17,« imatut allanngortinneqarpoq: »nr. 19,«.

- 11.** § 43, imm. 1, § 61 c, imm. 2, § 63, imm. 2, § 77 c, imm. 1, § 77 d, imm. 3, § 183, imm. 1, oqaaseqatigiinni siullerni, § 198, imm. 1, § 199, imm. 1, oqaaseqatigiinni siullerni aamma § 361, imm. 1, nr. 10-mi, »Aningaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: »Aningaasanik ingerlataqarfik imaluunniit aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.
- 12.** § 61, imm. 1, oqaaseqatigiinni siullerni, § 61 b, § 61 c, imm. 1, § 62, imm. 1, § 120, imm. 1, oqaaseqatigiinni siullerni, § 199, imm. 2, § 373, imm. 3, aamma § 374, imm. 4, oqaaseqatigiinni siullerni, »anigaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: » aningaasanik ingerlataqarfik imaluunniit aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.
- 13.** § 61 a, imm. 1, nr. 3-mi, » aningaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: » aningaasanik ingerlataqarfik imaluunniit aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.
- 14.** § 63, imm. 1, oqaaseqatigiinni siullerni, § 77 a, imm. 1, oqaaseqatigiinni siullerni, aamma § 197-mi »anigaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: » aningaasanik ingerlataqarfik imaluunniit aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.
- 15.** § 64, imm. 4, aamma § 77 c, imm. 2, oqaaseqatigiit aappaanni, » aningaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: » aningaasanik ingerlataqarfik imaluunniit aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.
- 16.** § 70, imm. 1, aamma § 71, imm. 1-mi, aningaasanik ingerlataqarfik imaluunniit aningaasanik piginnittutut ingerlataqarfik« kingorna ikkunneqarpoq: », aningaasanik piginnittutut ingerlataqarfik aamma sillimmasiisarfik piginnittutut suliffeqarfik«.
- 17.** § 70, imm. 2-mi, sumiiffinni marlunni aamma § 70, imm. 3 aamma 4-mi, »anigaasanik ingerlataqarfik« imatut allanngortinneqarpoq: »suliffeqarfik«.
- 18.** § 70, imm. 2, nr. 4-mi, »anigaasanik ingerlataqarfiup« imatut allanngortinneqarpoq: »suliffeqarfiup«.
- 19.** § 71, imm. 2-mi, » aningaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: »anigaasanik ingerlataqarfik imaluunniit aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.
- 20.** § 71, imm. 3, atorunnaarpoq.
- 21.** § 75, imm. 4, § 77 a, imm. 2, § 77 b, imm. 1, § 79 a, imm. 1, § 199, imm. 9, aamma § 345, imm. 2, nr. 1-mi, » aningaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: »anigaasanik ingerlataqarfik imaluunniit aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.
- 22.** § 77 a, imm. 3-5 aamma imm. 6, oqaaseqatigiinni siullerni, aamma § 374, imm. 5-mi, »Aningaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: »Aningaasanik ingerlataqarfik imaluunniit aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.
- 23.** § 77 d, imm. 1 aamma imm. 2, oqaaseqatigiinni siullerni, »anigaasanik ingerlataqarfik imaluunniit aningaasanik piginnittutut ingerlataqarfik« imatut allanngortinneqarpoq: »anigaasanik ingerlataqarfik, aningaasanik piginnittutut ingerlataqarfik imaluunniit sillimmasiisarfik piginnittutut suliffeqarfik«.

**24.** § 77 d, imm. 4-mi, »anigaasanik ingerlataqarfik imaluunniit anigaasanik piginnittut ingerlataqarfik« imatut allangortinneqarpoq: »anigaasanik ingerlataqarfik imaluunniit anigaasanik piginnittut ingerlataqarfik imaluunniit sillimmasiisarfik piginnittut suliffeqarfik«.

**25.** § 117, imm. 1, *oqaaseqatigiit aappaanni*, » anigaasanik ingerlataqarfik« imatut allangortinneqarpoq: »anigaasanik piginnittut ingerlataqarfik aamma sillimmasiisarfik piginnittut suliffeqarfik«.

**26.** § 120 a, imm. 1, *oqaaseqatigiit aappaanni*, § 343 q, imm. 1-mi sumiiffinni pingasuni, aamma § 346, imm. 5, aamma § 347, imm. 1, *oqaaseqatigiinni siullerni*, »anigaasanik piginnittut ingerlataqarfik« kingorna ikkunneqarpoq: » sillimmasiisarfik piginnittut suliffeqarfik«.

**27.** § 145, imm. 1, *oqaaseqatigiinni siullerni*, »nr. 16« imatut allangortinneqarpoq: »nr. 18«.

**28.** § 152 h-p kingorna § 153 sioqqullugu qulequtaq sioqqullugu ikkunneqarpoq:

*»Anigaasaleeqqinnermik nalunaarsuiffik*

**§ 152 i.** Anigaaseriviit qinnuteqarnikkut anigaasaleeqqinnermik nalunaarsuiffinnik pilersitsinnaanerit Finanstilsynimit akuerineqarsinnaavoq.

*Imm. 2.* Akuersissut pillugu qinnuteqaat anigaaseriviup naammattumik aqqissugaanerani aamma anigaasaleeqqinnermik nalunaarsuiffimmik ingerlatsinissamut atatinnissaanullu suliap isumaginissaanut nukissaqarnerani Finanstilsynip nalilersuineranut atugassanik paasissutissanik pisariaqartunik imaqassaaq. Qinnuteqaammut allagaatit makku ilanngunneqassapput:

1) Anigaasaleeqqinnermik nalunaarsuiffik pillugu suliasat akisussaaffiullu agguarneri pillugit qullersaqarfimmu siulersuisut ilitsersuutaat.

2) Anigaasaleeqqinnermik nalunaarsuiffiup ingerlanneqarnera pillugu qullersaqarfimmik akuerineqarsimasooq suleriaasissaq.

3) Anigaasaleeqqinnermik nalunaarsuiffik pillugu ingerlatsinissamut pilersaarut.

4) Anigaasaleeqqinnermik nalunaarsuiffimmik ingerlatsinermut iluaqutaasunik qarasaasiat, isumannaallisaanikkut nakkutilliinikkullu sulianut suleriaasissat.

5) Anigaaseriviup pilersaarutaasumik aqqissugaanerani suleriaaseqarneranillu misissuineq tunuliaqutaralugu, tassunga ilanngullugit nr. 1-4-mi allagaatit, anigaaseriviup aqqissugaanera, sulisutigut qarasaasiatigullu isumalluutai tamatumunnga piumasaqaatit naapertorlugit anigaasaleeqqinnermik nalunaarsugaasiviup ingerlannissaanut atatiinnarnissaanullu naammangitsut taassuma isummernissaanut tunngavissaqannginnera pillugu anigaaseriviup kukkunersuisuanit attaviitsumit nalunaarut.

*Imm. 3.* Anigaasaleeqqinnermik nalunaarsuiffimmik pilersitsinissamut akuersissuteqartunik anigaaserivinnik tamanut ammasumik nalunaarsuiffimmik Finanstilsyni pilersitsillunilu ingerlataqassaaq. Nalunaarsuiffimmiissapput anigaaserivik, anigaasaleeqqinnerimi nuussinert ataasiakkaat, § 152 j naapertorlugu, nakkutilliisooq, anigaasaleeqqinnerimi nuussinernik ataasiakkaanut atassuteqartoq, § 152 r naapertorlugu, aamma anigaasaleeqqinnerimi nuussinernut ataasiakkaanut atatillugu obligationinut atasut sinniisut pillugit paasissutissat, pappianik anigaasanik nalilinnik niuerneq il.il. inatsimmi, kunngip peqqussutaatigut Kalaallit Nunaannut atulersinneqartumi § 4 a naapertorlugu Nalunaarsuiffimmi paasissutissat eqqortuunerisa nutarterneqarsimanerisalu nakkutigineqarnissaat siunertaralugu nalunaarsuiffimmi paasissutissat Finanstilsynip nalunaarsuiffiinit allaniit paasissutissanut ataatsimut ingerlatissavai assersuullugillu.

*Imm. 4.* Anigaasaleeqqinnermik nalunaarsuiffiup imaarisai pillugit nalunaarsuiffimmik ingerlataqarnermi atugassanik paasissutissanik nalunaaruteqartarneq pillugu maleruagassanik erseqqinnerusunik, imm. 3 naapertorlugu, aamma anigaasaleeqqinnermik nalunaarsuiffiit pilersinneqarnissaanut akuersissut pillugu qinnuteqarnermut atatillugu piumasaqaatinik erseqqinnerusunik, imm. 2 naapertorlugu, Finanstilsyni aalajangarsaasinnaavoq.

**§ 152 j.** Anigaaserivik, anigaasaleeqqinnermik nalunaarsuiffimmik pilersitsinissamut akuersissummik pissarsisimasooq, pigisat nalillit anigaasaleeqqinnermik nalunaarsuiffimmi allanneqartumut immikkoortumut piginnaatinneqartumut anigaaserivimmu tunineqartut

nalunaarsuiffimmi nalunaarsorneqassapput, § 152 k, imm. 1 naapertorlugu Aningaasaleqqinnermik nalunaarsuiffik aningaasaleqqinnermik nuussinerit tamaasa pillugit immikkut immikkoortunik imaqassaaq.

*Imm. 2.* Aningaasaleqqinnermi nalunaarsuiffik pigisat nalillit nalunaarsorneqartut suuneri erseqqissumik paatsuugassaannngitsumillu paasineqarsinnaasunngorlugit paasissutissanik imaqassaaq, tassunga ilanngullugit taakkununga atasut isumannaallisaanerit, aamma immikkoortoq piginnaatitaasoq. Nalunaarsuiffik aamma pigisanut nalilinnut ataasiakkaanut tamanut ingerlatap isertinneranut ulloq aamma pigisap nalillip peerneqarneranut ulloq pillugu paasissutissanik imaqassaaq.

*Imm. 3.* Aningaaseriviup aningaasaleqqinnermik nalunaarsuiffiup ingerlanneqarnera tamaat ilaaluunniit allanut suliaannngortissinnaavaa.

*Imm. 4.* Aningaasaleqqinnermi nalunaarsuiffimmi pigisat nalillit piunerinik nakkutilliineq nakkutilliisumit isumagineqassaaq, §§ 152 r aamma 152 s naapertorlugu

*Imm. 5.* Aningaasaleqqinnermi nalunaarsuiffimmi aqqissuussineq, nalunaarsuineq aamma pigisat nalillit piunerinik nakkutilliineq pillugu maleruagassanik erseqqinnerusunik Finanstilsyni aalajangersaasinaavoq.

**§ 152 k.** Aningaaserivik taamaallaat siunertamut aalajangersimasumut immikkoortumut piginnaatitaasumut, aningaaserivimmu allamut, ingerlataqarfimmi ingerlatseqatigiiffimmut ataatsimoorussamik pigineqartumut, sillimmasiisarfirmmut imaluunniit suliffeqarfiup pensionskarsianut pigisanik nalilinnik tunisisnaavoq.

*Imm. 2.* Aningaaserivik imaluunniit ingerlatseqatigiiffiit, aningaaserivimmu suliffissuakkut atassuteqartut, immikkoortortamut piginnaatitaasumut annertuumik sunniuteqanngippat aatsaat aningaaseriviup pigisani nalillit immikkoortumut piginnaatitaasumut tunisisnaavai. Immikkoortortamut piginnaatitaasumut annertuumik aningaaserivimmi sunniuteqartumi paasineqarpoq pisoq, taamaattorli imm. 3 takuuk,

- 1) aningaaserivik imaluunniit ingerlatseqatigiiffiit, aningaaserivimmu suliffissuakkut atassuteqartut,
  - a) toqqaannartumik imaluunniit toqqaannngitsumik taasisinnaatitaasunit 20 pct.-it sinnerlugit pigisaqarpat,
  - b) isumaqatigiissuteqarnikkut taasisinnaatitaasunit 20 pct.-it sinnerlugit oqartussaaffeqarpat imaluunniit
  - c) immikkoortortami piginnaatitaasumi aqutsisuni qullersani ilaasortat amerlanerussuteqartut taarsersinnaallugit imaluunniit

- 2) aningaaserivimmi imaluunniit ingerlatseqatigiiffiit, aningaaserivimmu suliffissuakkut atassuteqartumi siulersuisuni qullersaqarfimmiluunniit ilaasortaq ataaseq amerlanerilluunniit, immikkoortortaq piginnaatitaasoq minillugu, immikkoortortami piginnaatitaasumi siulersuisuni imaluunniit qullersani imaluunniit qullersat taamaaqataanni ilaasortaavoq.

*Imm. 3.* Ingerlatseqatigiiffiit, aningaaserivimmu suliffissuakkut atassuteqartut, immikkoortortamut piginnaatitaasumut annertuumik sunniuteqannginnissaat pillugu imm. 2-mi piunasaqaatip kingunerinngilaa naatsorsuutitigut isumannaallisaanerup malitsigisaanik aningaaseriviup immikkoortortamut piginnaatitaasumut suliffissuakkut atassuteqarsinnaasoq. Finanstilsyni pisuni immikkuullarissuni imm. 2, oqaaseqatigiinnit siullernit immikkut akuersisnaavoq.

*Imm. 4.* Imm. 1-ip aamma imm. 2, oqaaseqatigiit siullit naammassineqarnissaannut piffissap aalajangersarneqartup iluani pisariaqartutigut aqqiisoqarnissaanik aningaaserivimmu Finanstilsyni peqqusisnaavoq.

*Imm. 5.* Immikkoortortamit piginnaatinneqartumiit pappiaqqanik aningaasaleqqinnermik nalunaarsuiffimmi pigisani nalilinni qularnaveeqquserneqartunik aningaasanik nalilinnik atulersitsineq ataatsimi minnerpaamik 100.000 euronik annertussuseqassaaq.

**§ 152 i.** Aningaasaleqqinnermik nalunaarsuiffik aqutugalugu pigisani nalilinni qularnaveeqquserneqartunik pappiaqqanik aningaasanik nalilinnik atulersitsisumut immikkoortortamut piginnaatinneqartumut pigisanik nalilinnik aningaaserivik tunisaqarpat aningaaserivik ingerlatassatut pilersaarutip ilaanut imaluunniit pigisanik nalilinnik taakkuninnga allaaserinnittunik neqeroorutinut atortussanut akisussaavoq.

**§ 152 m.** Nunami maani, Den Europæiske Unionip iluani nunami allami imaluunniit nunami pappiarat aningaasanik nalillit pillugit aningaasanut tunngasunik Unionip isumaqatigiissuteqarfīgisaani, imaluunniit niuerfimmi taamatut ittumi niuernissamut ilaanissaq pillugu noqqaassummik tunniussiffiusumi niuerfimmi malittarisassaliorfiusumi niuernermut ilaasunik pappiaqqanik aningaasanik nalilinnik immikkoortortaq piginnaatitaasoq atulersitsisimappat, aningaaserivik, aningaasaleeqqinnermik nalunaarsuiffimmi pigisanik nalilinnik aqutsisoq sukkanerpaamik aningaasaleeqqinnermik nalunaarsuiffimmi pigisat nalillit pillugit ilisimasat annertuut immikkoortortamut piginnaatinneqartumut ingerlateqqissavai.

*Imm. 2.* Imm. 1 malillugu ilisimasanik annertuunik aningaaseriviup ingerlatitseqqinnera pillugu maleruagassanik erseqqinnerusunik Finanstilsyni aalajangersaasinnaavoq.

**§ 152 n.** § 152 p, imm. 1-mut ilaasunik pigisanik nalilinnik tunisineq pillugu isumaqatigiissut, tunisusut aningaaseriviup aamma pisisutut immikkoortortap piginnaatitaasup akornanni isumaqatigiissutigineqartoq, pigisat nalillit aningaasaleeqqinnermik nalunaarsuiffimmi allanneqarlutik, tunniunneqartut pigineqalissapput.

*Imm. 2.* Immikkoortortamut piginnaatitaasumut pigisanik nalilinnik aningaaserivimmiit tunisineq aningaasaleeqqinnermi nalunaarsuiffimmi piffissamit eqqunneqarneranniit aningaaseriviup akiligassaqarfiinut inatsisitigut sunniuteqalissapput.

*Imm. 3.* Aningaaserivimmiit pigisat nalillit aningaasaleeqqinnermik nalunaarsuiffimmut eqqunneqartut, imm. 1 naapertorlugu, qaqugukkulluunniit immikkoortortamit piginnaatitaasumit nalunaarsorneqarsimasumit pigineqarput aamma aningaaseriviup pigisaanit nalilinnit allanit immikkoortinneqarsimassallutik.

*Imm. 4.* Aningaasaleeqqinnermik nalunaarsuiffimmut eqqunneqartunik pigisanik nalilinnik tunisinerup kingorna taarsigassarsisunut attartortunullu allanullu isumaqatigiissummut ilaanngitsunut naleqqiullugu aningaasaleeqqinnermik nalunaarsuiffimmi pigisanik nalilinnik aningaaserivik suli aqutsisuvoq, tassunga ilanngullugit akileraartarnermi oqartussat. Aningaaserivik pigisanut nalilinnut tunngasunik akiliutinik tigusaqarnissamut tassungalu atasunik pigisanik nalilinni piumasaqaatit atuutsinnissaannut pisinnaatitaaffeqarpoq.

*Imm. 5.* Taarsigassarsisut allallu isumaqatigiissummut ilaanngitsut aningaasaleeqqinnermik nalunaarsugaasivimmi pigisanut nalilinnut tunngatillugu akerliliisinnaanerit imaluunniit aningaaserivimmut akiligassat ilanngullugit naatsorsuunnissaat aningaasaleeqqinnermik nalunaarsuiffimmi pigisanik nalilinnik eqqussinermiit kalluarneqassanngillat. Taarsigassarsisut allallu isumaqatigiissummut ilaanngitsut akiliinermut atatillugu, § 152 w, imm. 1 naapertorlugu, aningaaserivimmut akilernerqartut annertoqqataannik immikkoortortamut piginnaatitaasumut akiligassat ilanngullugit naatsorsuussinnaavaat.

*Imm. 6.* Pigisat nalillit aningaasaleeqqinnermik nalunaarsuiffimmi eqqunneqarsimagaluartut taarsigassarsisunut aningaaserivik akiligassat ilanngullugit naatsorsuussinnaavaat.

*Imm. 7.* Aningaasaleeqqinnermik nalunaarsugaasivimmi pigisat nalillit suuneri paasineqarsinnaanngippata pigisat nalillit nalunaarsugaasivimmi eqqunneqartutut isigineqassanngillat.

*Imm. 8.* Immikkoortortap piginnaatitaasup akuersineratigut pigisat nalillit aningaasaleeqqinnermik nalunaarsuiffimmiit taamaallaat peerneqarsinnaapput.

**§ 152 o.** Immikkoortortap piginnaatitaasup pigisat nalillit aningaasaleeqqilluni nuussinermi pissarsiarineqarsimasut ataatsimoortillugit isumaqatigiissummut ilaanngitsumik taamaallaat tunisinnaavai imaluunniit taarsigassarsianut sallunaveeqqutitut atorsinnaallugit, taamaattorli imm. 2 aamma § 152 w, imm. 10 takukkit. Pigisat nalillit ataatsimoortillugit § 152 k, imm. 1-mi piumasaqaatinik naammassinnittumut ingerlatseqatigiiffimmut immikkoortortamut piginnaatitaasumut taamaallaat tunineqarsinnaapput, aningaaserivik, aningaasaleeqqinnermik nalunaarsuiffimmi pigisanik nalilinnik eqqussisoq immikkoortortami piginnaatitaasumi nutaami annertuumik sunniuteqanngippat, § 152 k, imm. 2 naapertorlugu

*Imm. 2.* Immikkoortortalli piginnaatitaasup pigisat nalillit aningaasaleeqqinnermik nalunaarsuiffik aqutigalugu pissarsiarineqarsimasut aningaaserivimmut, aallaqqaammut aningaasaleeqqinnermik nalunaarsuiffimmi pigisanik nalilinnik eqqussisumut tunisinnaavai.

*Imm. 3.* Immikkoortortap piginnaatitaasup pigisanik nalilinnik ataatsimoortumik tunisinerit imaluunniit sallunaveeqqutitut taarsigassarsiani, imm. 1 naapertorlugu, immikkoortortap piginnaatitaasup akiligassaqarfiinut inatsisitigut sunniuteqassanngillat, tunniussineq pillugu

anigaaserivik nalunaarfigineqarsimangippat. Taamatut tunniussineq anigaaseriviup anigaasaleeqqinnermik nalunaarsugaasivimmuk sukkanerpaamik nalunaarsussavaa. Nalunaaruteqarneq inatsisitigut sunniutini annaassavaa, nalunaaruteqarnerup kingorna ullut arfineq marluk nallertinnagit anigaaseriviup pissarsisup pisinnaatitaaffi anigaasaleeqqinnermik nalunaarsuiffimmi nalunaarsorsimangippagu.

*Imm. 4.* Immikkoortorta q piginnaatitaasoq pissarsisunut assigiinngitsunut arlalinnut pigisanik nalilinnik ataatsimoortumik tunniussisimappat, imm. 1 naapertorlugu, kingusinnerusukkut pissarsisoq, pigisanik nalilinnik nalunaarsuiffimmi tunniussiffigineqarsimasoq salliutinneqassaaq, anigaaserivik tassunga tunniussinissaq pillugu aatsaat nalunaarfigineqarpat kingusinnerusukkullu pissarsisoq piffissami nalunaaruteqarnermi ajortumik siunertaqarnani.

**§ 152 p.** Pigisat nalillit makku assigiinngitsut anigaasaleeqqinnermik nalunaarsuiffimmi eqqunneqarsinnaapput, taamaattorli imm. 2 takujuk:

- 1) Anigaaserivinniit inuussutissarsiornermi suliffeqarfimmut imaluunniit inuussutissarsiuutigalugu suliffeqarfimmi atugassanngorlugit taarsigassarsisitsinermit akiligassarsinernullu naleqqiullugu pisinnaatitaaffit.
- 2) Qularnaveeqqusiinernut, tapiissuteqarnissamut nalunaarutinut aamma nr. 1-mut ilaasunik taarsigassarsinermit akiligassarsinernullu qularnaveeqqusiinernut naleqqiullugu pisinnaatitaaffit.
- 3) nr. 1-mut ilaasunut taarsigassarsinermit akiligassarsinernullu siunissami sullissinissaq pillugu pappiarat anigaasanik nalillit.
- 4) Anigaaseriviit inuussutissarsiornermilu suliffeqarfiit akornanni attartorneq pillugu isumaqatigiissutit imaluunniit inuussutissarsiuutigalugu suliffeqarfimmi atugassat isumaqatigiissutinullu taakkununga atasut pigisat nalillit.

*Imm. 2.* Imm. 1-mut ilaasunik pigisaq nalilik tunineqarsinnaanngitsaq pillugu allanneqartumik isumaqatigiissusiortoqarsimappat pigisaq nalilik anigaasaleeqqinnermik nalunaarsuiffimmi eqqunneqarsinnaanngilaq. Taarsigassarsineq, pigisat nalillit pillugit nalunaarsuiffimmi ilaasoq, obligationinik immikkut matussusiinermut qularnaveeqqusiisoq peqatigisaanik anigaasaleeqqinnermi nalunaarsuiffimmi nalunaarsorneqarsinnaanngilaq.

**§ 152 q.** Pigisanut nalilinnut anigaasaleeqqinnermi nalunaarsuiffimmut eqqunneqartunut tunngatillugu paasisutissat isertuussassat anigaasaleeqqinnermik nuussinermut, pigisat nalillit imaluunniit anigaasaleeqqinnermi nalunaarsuiffimmi aqutsinermit atatillugu suliassanik isumaginninnermit pisariaqartinneqarpat ingerlateqqinneqarsinnaapput imaluunniit iluaqutigineqarsinnaallutik.

*Imm. 2.* Imm. 1 malillugu ingerlatitseqqinneq taamaallaat inunnut imaluunniit inatsisitigut pisussaaffeqartunut akisussaannullu ukununga pisinnaavoq:

- 1) Anigaaserivik, taarsigassarsinermit akuersisimasoq imaluunniit pigisanik nalilinnik tassanilu nalunaarsukkanik suliarineqartussanik attartortitsisimasoq,
- 2) pilersuisoq, aallaqqaammuk anigaaserivik sinnerlugu anigaasaleeqqinnermik nalunaarsuiffimmi ingerlatsisoq, § 152 j, imm. 3 naapertorlugu,
- 3) nalunaarsuiffimmi nakkutilliisuusoq, § 152 r, imm. 4 naapertorlugu,
- 4) isumaqatigiissummut ilaanngitsaq, anigaaserivik tunisisuusoq sinnerlugu iliuuseqartoq,
- 5) isumaqatigiissummut ilaanngitsaq, immikkoortorta q piginnaatitaasoq taassumunngaluunniit akiligassaartut sinnerlugu iliuuseqartoq,
- 6) Finansiell Stabilitet A/S imaluunniit aqutsisoq alla, anigaaseriviup akilisinnaajunnaarnissaa qinnutigineqarpat imaluunniit nalunaarutigineqarpat, § 152 w naapertorlugu, atorunnaarpat, § 152 u naapertorlugu, imaluunniit anigaasaleeqqinnermik nalunaarsuiffittut ingerlataqarnissamut akuersissutini annaappagu, § 152 i naapertorlugu,
- 7) pigisanik nalilinnik pissarsisoq, § 152 y, imm. 1 naapertorlugu, imaluunniit
- 8) immikkoortorta q piginnaatitaasoq aamma immikkoortorta q piginnaatitaasoq sinnerlugu anigaaserivik aqutsisuusoq, pigisat nalillit anigaasaleeqqinnermik nalunaarsuiffimmiit anninneqarpat aamma qularnaveeqqusiinermi allattuiffit nalinginnaasut isiginiarneqarpat.

*Imm. 3.* Imm. 1 malillugu paasisutissanik tiguisuusuut nipangiussisussaataaernermit pisussaaffeqarpoq.

**§ 152 r.** Immikkoortortaq piginnaatitaasoq aningaasaleeqqinnermik nuussinermut attaviitsumik nakkutilliisussamik toqqaassaaq. Nakkutilliisoq Finanstilsynimit nalunaarsorneqassaaq.

*Imm. 2.* Nakkutilliisoq piumasaqaatinik ukuninnga naammassinnippat aningaasaleeqqinnermik nuussinermut aalajangersimasumut nakkutilliisumik nalunaarsuineq pillugu Finanstilsyni aalajangiissaaq:

- 1) Aningaaseriviup pigisat nalillit nalunaarsuiffimmut eqqortumik nalunaarsuineranik nakkutilliisoq ingerlaavartumik nakkutilliissaaq,
- 2) taarsigassarsiat, akiligassarsiat attartormillu isumaqatigiissutit piunerannik nakkutilliinissamut, aamma qularnaveeqqusiinermik allattuineq isumagineqarsimanersoq pillugu nakkutilliisoq piginnaasaqassaaq,
- 3) nakkutilliisoq inuit pillugit paasissutissanik mianernartunik aamma paasissutissanik isertuussassanik passussisinnaassaaq, tassunga ilanngullugit suliffiup iluani ilisimasat, aamma
- 4) nakkutilliisoq § 152 s-mi allaaserineqartut ingerlatanut matussusiiisumik akisussaannermut sillimmasiisimassaaq.

*Imm. 3.* Nakkutilliisoq taamaallaat aningaaserivimmut aamma immikkoortortamut piginnaatitaasumut taassumaluunniit akiligassaqaarfiinut taarsiisussatut akisussaaffeqarpoq, mianersuaalliornikkut imaluunniit piaaraluni annaasaqarnerup kingunerisaanik.

*Imm. 4.* Imm. 2-mi piumasaqaatinik naammassinnissamut uppernarsaaneq pillugu maleruagassanik erseqqinnerusunik Finanstilsyni aalajangersaasinnaavoq.

**§ 152 s.** Aningaasaleeqqinnermik nalunaarsuiffiup § 152 j, imm. 1-3, aamma § 152 j, imm. 5, § 152 k, imm. 1-3 aamma § 152 p, imm. 1 naapertorlugit malerugassat atulersinneqartut naapertorlugit ingerlatsisoqarneranik nakkutilliisoq nakkutilliissaaq.

*Imm. 2.* Nakkutilliisup ilaatigut nakkutigissavaa

- 1) aningaasaleeqqinnermik nalunaarsuiffik pigisat nalillit pillugit paasissutissanik pisariaqartunik imaqaarneris, § 152 j, imm. 1 aamma 2 naapertorlugu, aamma § 152 j, imm. 5 naapertorlugu maleruagassanik atulersinneqartut,
- 2) pigisanik nalilinnik eqqussineq eqqortumik pisimanersoq aamma
- 3) taarsigassarsiat, akiligassarsinerit attartormillu isumaqatigiissutit piunersut, aamma qularnaveeqqusiinermi allattuiffik isumagineqarsimanersoq.

*Imm. 3.* Pisut makkuninnga ersersitsisut pillugit immikkoortortamut piginnaatitaasumut aamma Finanstilsynimut nakkutilliisoq nalunaaruteqassaaq

- 1) aningaasaleeqqinnermik nalunaarsuiffik § 152 j, imm. 1-3, aamma § 152 j, imm. 5, § 152 k, imm. 1-3 aamma § 152 p, imm. 1 naapertorlugit atulersinneqartut maleruagassat naapertorlugit ingerlanneqanngitsoq, imaluunniit
- 2) aningaaserivik, aningaasaleeqqinnermik nalunaarsuiffimmi pigisanik nalilinnik aqutsisoq, aningaasaleeqqinnermik nalunaarsuiffimmi pigisat nalillit pillugit ilisimasanik annertuunik immikkoortortamut piginnaatitaasumut ingerlatitseqqinngitsoq, § 152 m, imm. 1 naapertorlugu

*Imm. 4.* Nakkutilliisoq aningaasaleeqqiffimmi nalunaarsuiffimmi pigisat nalillit pillugit aningaaseriviup paasissutissaataanut tamanut isersinnaavoq, § 152 q, imm. 2, nr. 3 naapertorlugu

**§ 152 t.** Immikkoortortat piginnaatitaasut aamma aningaasaleeqqinnermik nalunaarsuiffimmi pigisanut nalilinnut naleqqiullugu pisinnaatitaaffeqartut allat akuersippata aningaasaleeqqinnermik nalunaarsuiffik atorunnaarsinneqarsinnaavoq. Atorunnaarsitsineq pillugu nalunaarut Finanstilsynimut tunniunneqassaaq.

**§ 152 u.** Aningaaseriviup, § 152 i, imm. 1 naapertorlugu aningaasaleeqqinnermik nalunaarsuiffimmi pilersitsisimasup pigisani nalillit aamma akiligassat isumannaarneqarsimanngitsut tamaasa aningaaserivimmut allamut, Finansiel Stabilitet A/S-imit pigineqarluni ingerlatseqatigiiffiunngitsumut tunniuppagit aningaaserivik pissarsisuusoq Finanstilsynip akuersineratigut, § 152 i naapertorlugu, aningaasaleeqqinnermik nalunaarsuiffiup ingerlanneqarnera aamma immikkoortortamut piginnaatitaasumut aningaaseriviup pisussaaffii tunniunneqartut tigussavai.

**§ 152 v.** § 152 i, imm. 1 naapertorlugu aningaasaleeqqinnermik nalunaarsuiffimmi pilersitsisimasumik aningaaserivimmi ajornartorsiortumik atorunnaarsitsinermi Finansiel Stabilitet A/S



peqataappat, § 152 u-mut ilaasut pisut ilanngunnagit, Finansiil Stabilitet A/S-ip pigisaata ingerlatseqatigiiffiup oqaaseqatigiit aappaanni taaneqartut immikkoortortamut piginnaatinneqartumut pigisanik nalilinnik aqutsinermut tunngasut tigussavai, aningaaseriviup aamma immikkoortortap piginnaatitaasup akornanni isumaqatigiissummi pigisanik nalilinnik pingaaruteqannginnerusumik aqutsisussaq allanneqarsimangippat. Finansiil Stabilitet A/S-imut imaluunniit Finansiil Stabilitet A/S-ip pigisaanut ingerlatseqatigiiffimmut pisussaaffiit ilaapput pigisanik nalilinnik aqutsinermut attuumassuteqartut, tassunga ilanngullugit pigisanik nalilinnik pissarsisimasumut immikkoortortamut piginnaatitaasumut pigisani nalilinni taarsigassarsisimasut ataasiakkaat akiliutaannut tunngasut akiliutit ingerlateqqinneri, aamma pigisat nalillit isumannaarnerinut isumaqatigiissutit aalajangersarneqarsimasut aqunneqarneri aamma aningaaseriviup aamma immikkoortortap piginnaatitaasup akornanni pingaarnersiuerit pillugit isumaqatigiissutit.

*Imm. 2.* Aningaaseriviup aamma immikkoortortap piginnaatitaasup akornanni isumaqatigiissutaasimasoq pigisat nalillit isumannaarnissaannut piumasaqaatinik nalunaarsuiffimmi allaaserisamik imaqqangippat, aningaaserivik ajornartorsiulerpat, pigisat nalillit imatut isumannaarneqassapput:

- 1) Nalunaarsuiffimmi pigisat nalillit isumaqatigiissutit atuuttut naapertorlugit qaammatini arfinilinni aqunneqassapput, aamma
- 2) qaammatit arfinillit qaangiunnerini nalunaarsuiffimmi pigisat sapinngisamik piffissami ukiuni tallimani isumannaarneqassapput, piumasaqaatit isumaqatigiissutaasut naapertorlugit piffissap taassuma iluani isumannaarneqarsimangippata, aamma pigisani nalilinni erniat taarsigassarsilluni isumaqatigiissummi atuuttumisut piffissami isumannaariffiusumi aalajangiussimaneqarlutik.

**152 w.** Aningaaseriviup aningaasaleeqqinnermik nalunaarsuiffiani pigisat nalillit aqunneqalernissaat pillugu Finanstilsyni aalajangiisaaq, tassungalu atasumik nalunaarsuiffimmi aqutsisussamik toqqaalluni,

- 1) § 224, imm. 1, nr. 1 imaluunniit 2 malillugu aningaaseriviup akuersissutaanik Finanstilsyni arsaarinnippat,
- 2) § 224, imm. 4 malillugu aningaasaleeqqinnermik nalunaarsuiffimmi ingerlatsinissamut aningaaseriviup akuersissutaanik Finanstilsyni arsaarinnippat,
- 3) § 234, imm. 1 malillugu akiliisinnaajunnaarneq pillugu Finanstilsyni qinnuteqarpat, imaluunniit nammineerlutik qinnuteqartoqarpat,
- 4) allaniit qinnuteqartoqarneratigut aningaaserivik akiliisinnaajunnaartutut nalunaarutigineqarpat imaluunniit
- 5) Finansiil Stabilitet A/S aningaaseriviup ajornartorsiortup atorunnaarsinnerani peqataappat.

*Imm. 2.* Aningaaseriviup aamma immikkoortortap piginnaatitaasup akornanni isumaqatigiissummi aningaasaleeqqinnermik nalunaarsuiffiup immikkoortuani pigisanik nalilinnik pingaanginnerusumik aqutsisoqartoq allasimasoqarpat nalunaarsuiffik pillugu Finanstilsynimit toqqarneqarsimasup aqutsisup nalunaarsuiffimmi immikkoortumi tassani pigisat nalillit nalunaarsorneqarsimasunik aqutsisoq taanna atorneqassaaq.

*Imm. 3.* Aningaaserivimmik ingerlataqarnissamut akuersissutini aningaaseriviup piginnarpagu, kisiannili aningaasaleeqqinnermik nalunaarsuiffimmi ingerlatsinissamut akuersissutini annaallugu, aningaasaleeqqinnermik nalunaarsuiffimmi pigisat tamaasa immikkoortortamut piginnaatitaasumiit utertillugit pisiarinnissaannut aningaaserivik periarfissaqarpoq, tamanna aningaaseriviup aamma immikkoortortap piginnaatitaasup akornanni isumaqatigiissummit takuneqarsinnaappat. Taamatut pisuni nalunaarsuiffimmut aqutsisussamik toqqaasoqassanngilaq.

*Imm. 4.* Aningaaseriviup aningaasaleeqqinnermik nalunaarsuiffimmi pigisat nalillit aqunneqalerpata, Finanstilsynip peqqusineratigut aqutsinerup pilersinneqarneranut aalajangiinerit aamma aningaasaleeqqinnermik nalunaarsuiffiup toqqarneqarneranut aqutsisoq nalunaarsorneqassapput imaluunniit allatigut Erhvervsstyrelsimit tamanut saqqummiunneqarlutik. Nalunaarsuiffimmi aqutsisoq aamma pigisanut nalilinnut tunngasunik siunissami akiliinerit taamaallaat aqutsisumut, pigisanik nalilinnik aqutsisumut imaluunniit Finansiil Stabilitet A/S-ip pigisaanut ingerlatseqatigiiffimmut taamaallaat pissasut taarsigassarsisunut allanullu isumaqatigiissummut ilaangitsunut nalunaaruteqassaaq, § 152 v, imm. 1 naapertorlugit

*Imm. 5.* Nalunaarsuiffimmi aqutsisoq akiliisinnaajunnaarneq pillugu inatsimmi, kunngip peqqussutaatigut Kalaallit Nunaannut atulersinneqartumi § 238, imm. 1 aamma 2-mi akiliisinnaajunaarnermit pigisanik aqutsisumut piumasaqaatigineqartut assigalugit

piukkunnassuseqarnissamut piumasaqaatinik naammassinnissaaq. Nalunaarsuiffimmik aqutsisoq aamma aqutseqataasinnaasoq aningaaseriviup kingorna akiliisinnaajunnaartup pigisaanik aqutsisuussanngilaq. Nalunaarsuiffimmik aqutsisoq aamma aqutseqataasinnaasoq aningaaseriviup kingorna akiliisinnaajunnaartup pigisaanik aqutsisup suliffigisaanik suliffeqarfimmi atorfeqassanngilaq.

*Imm. 6.* Nalunaarsuiffimmi aqutsisoq aqutsinermut attuumassuteqartunik pissutsinik paasisimasaqartumik aqutseqataasussamik ataatsimik amerlanernilluunniit toqqaasinnaavoq.

*Imm. 7.* Aqutsisunut akissarsiat aamma aqutsinermut atatillugu aningaasartuutit allat aningaasaleeqqinnermik nalunaarsuiffimmi pigisat nalillit akilerneqarneri tunuliaqutaralugit qulaajarneqassapput, § 152 x, imm. 4 naapertorlugu

*Imm. 8.* Imm. 1 malillugu toqqarneqartumik nalunaarsuiffimmik aqutsisumik Finanstilsyni nakkutilliissaaq.

*Imm. 9.* Nalunaarsuiffimmik aqutsisoq aqutsisooqataasinnaasullu toqqarneqarnerminni akisussaannermut sillimmasersimassapput imaluunniit toqqaanerup kinguninguatigut taamatut sillimmasiillutik.

*Imm. 10.* Imm. 1-mi pissutsini taaneqartuni nalunaarsuiffimmi pigisat nalillit aamma ataasiakkaarlugit tuniniarneqarsinnaapput.

*Imm. 11.* Imm. 1-mi pisustsini taaneqartuni nalunaarsuiffimmi pigisanik nalilinnik aqutsineq aningaaserivinnit allanit, Finansielt Stabilitet A/S-imit imaluunniit Finansielt Stabilitet A/S-imit pigineqartumit ingerlatseqatigiiffimmit tiguneqarsinnaapput.

**§ 152 x.** Aqutsinerup aallartinnerani aningaasaleeqqinnermik nalunaarsuiffimmi pigisat nalillit ingerlaannartumik nalunaarsuiffimmut aqutsisumut tunniunneqassapput. Aqutsisoq aningaasaleeqqinnermik nalunaarsuiffimmi pigisat nalillit pillugit iliuuseqarnissamut pisinnaatitaaffeqarpoq. Aamma pigisanut nalilinnut aningaasaleeqqinnermik nalunaarsuiffimmi pigisanut nalilinnut taarsiunneqartunut tamanna atuuppoq.

*Imm. 2.* Tunniussinermut atatillugu pigisanut nalilinnut ataasiakkaanut naapertuuttoq isumannaallisaanermi allattuiffik isiginiarneqassaaq.

*Imm. 3.* Aningaaseriviup tassanilu akiliisinnaajunnaarnermi aningaasaleeqqinnermik nalunaarsuiffimmi pigisat nalillit pillugit iliuuserisat, pigisat nalillit aqunneqalernissaat pillugu Finanstilsynip aalajangiinerata kingorna inatsisitigut sunniuteqassanngillat.

*Imm. 4.* Aningaasaleeqqinnermik nalunaarsuiffimmi pigisani nalilinnik akiliinerit tamarmik aqutsisumut aningaasartuutit ilanngaatigereerlugit immikkoortortamut piginnaatitaasumut imaluunniit tassani qularnaveeqqusiimasunut tutsinneqassapput.

*Imm. 5.* Pigisanik nalilinnik aqutsineq aatsaat pigisat nalillit imaluunniit pigisanik nalilinnik aqutsineq tunniunneqarpat, imaluunniit pigisani nalilinni akiligassaaruppat naammassineqassaaq.

*Imm. 6.* Aningaaserivik tassanilu akiliisinnaajunnaarnermi pigisat akiliuteqarnikkut aningaasaleeqqinnermik nalunaarsuiffimmi pigisanik nalilinnik aqutsinermik nalunaarsuiffimmi aqutsisumut ikiuutissapput.

*Imm. 7.* Nalunaarsuiffimmut aqutsisoq aningaasaleeqqinnermik nalunaarsuiffimmi pigisanik nalilinnik aqutsissaaq aamma aningaaserivimmi imaluunniit tassani akiliisinnaajunnaarnermit pigisani, pisariaqassappat eqqartuussummik naammassitsiniaanermi, piumasarineqarsinnaavoq aqutsisumut atortut pisariaqartut tamarmik tunniunneqassasut.

**§ 152 y.** Nalunaarsuiffimmut aqutsisoq immikkoortortaq piginnaatitaasoq sinnerlugu aningaasaleeqqinnermik nalunaarsuiffimmi pigisat nalillit aningaaserivimmut allamut tuniniarneqarnissaat sapinngisamik isumagissavaa, aningaasaleeqqinnermik nalunaarsuiffimmi pigisanik nalilinnik aqutsineq aningaaserivimmut allamut nutaamut tunniunneqarlutik, imaluunniit periarfissaappat pigisat nalillit imatut isumannaarneqarlutik immikkoortortamit piginnaatitaasumit pappiaqqanik aningaasanik nalilinnik atulersitsinerup malitsigisaanik aningaasaliisuniit piumasaqaatit isumannaarneqarlutik.

*Imm. 2.* Pigisanik nalilinnik aqutsinermi nalunaarsuiffimmi aqutsisup immikkoortortap piginnaatitaasup soqutigisai isumagissuai.

*Imm. 3.* Pigisat nalillit tamanik ilaanilluunniit tunisineq imaluunniit aningaasaleeqqinnermik nalunaarsuiffimmi pigisanik nalilinnik aqutsinermik tunniussineq immikkoortortamit piginnaatitaasumit taassumaluunniit akiligassaqarfiinit akuerineqassapput, pigisani nalilinni akiligassaqarfiusut qularnaveeqqusiisimappata. Den Europæiske Unionip iluani nunami imaluunniit aningaasanut

tunngasutigut Unionip isumaqatigiissuteqarfigisaani nunami akuersissummik nalunaarfigineqarsimasumit akiligassarsisitsisarfinnut allaanerusemut pigisat nalillit tunniunneqarpata pigisanik nalilinnik tunniussineq Finanstilsynimit akuerineqassaaq.«

**29.** § 170-p kingorna ikkunneqassaaq:

»§ 170 a. Suliffissuarni, suliffeqarfik piginnittuusoq sillimmasiisarfinnut piginnittut suliffeqarfiulluni imaluunniit sillimmasiisarfifiulluni, § 126 taamaaqataanik sillimmasiisarfinnut piginnittut suliffeqarfimmut imaluunniit suliffissuarmut atorneqassaaq. Aalajangersakkat taakku eqqortinneqarneri suliffeqarfiup piginnittut nakkutigissavai. Suliffissuup tunngaviusumik aningaasaataanik naatsorsuineri, § 128 naapertorlugu, suliffissuaq pillugu isumannaallisaalluni naatsorsuineri ilaangitsut suliffissuarmi suliffeqarfinit akilerneqartut aningaasaatit ilanngaatineqassapput.«

**30.** § 175 a, imm. 1-mi, »nr. 16,« imatut allangortinneqarpoq: »nr. 18,«.

**31.** § 176, imm. 1-mi, aamma § 346, imm. 2, oqaaseqatigiinni siullerni, »imaluunniit aningaasanik piginnittut suliffeqarfik« imatut allangortinneqarpoq: », aningaasanik piginnittut suliffeqarfik imaluunniit sillimmasiisarfinnik piginnittut suliffeqarfik«.

**32.** § 176, imm. 2-mi, »imaluunniit aningaasanik piginnittut suliffeqarfik« imatut allangortinneqarpoq: », aningaasanik piginnittut suliffeqarfik imaluunniit sillimmasiisarfinnik piginnittut suliffeqarfik«.

**33.** §§ 179-mi aamma 180-mi »aningaasanik piginnittut suliffeqarfik«kingorna ikkunneqarpoq: »imaluunniit sillimmasiisarfinnik piginnittut suliffeqarfik«.

**34.** § 179, nr. 1-mi, aamma § 180, nr. 1-mi, »§ 170«-p kingorna ikkunneqarpoq: »imaluunniit § 170 a«.

**35.** § 181, imm. 1, nr. 2-mi, »§ 5, imm. 1, nr. 17,« imatut allangortinneqarpoq: »§ 5, imm. 1, nr. 19,«.

**36.** § 199, imm. 2, oqaaseqatigiinni siullerni, »imaluunniit aningaasanik piginnittut suliffeqarfik« imatut allangortinneqarpoq: », aningaasanik piginnittut suliffeqarfik imaluunniit sillimmasiisarfinnik piginnittut suliffeqarfik«.

**37.** § 199, imm. 7 aamma imm. 8, oqaaseqatigiinni siullerni, »aningaasanik piginnittut suliffeqarfik«kingorna ikkunneqarpoq: »imaluunniit sillimmasiisarfinnik piginnittut suliffeqarfik«.

**38.** § 199, imm. 12, oqaaseqatigiinni siullerni, » aningaasanik piginnittut suliffeqarfik«kingorna ikkunneqarpoq: »sillimmasiisarfinnik piginnittut suliffeqarfik«.

**39.** (Kalaallit Nunaanni atulersinneqanngilaq)

**40.** § 224 imm. 3 kingorna immikkoortoq nutaaq ikkunneqarpoq:

»Imm. 4. Aningaaserivik aningaasaleqqinnermik nalunaarsuiffimmik ingerlatsinissamut akuersissuteqarpat, aningaaserivik § 152 j, imm. 1, oqaaseqatigiit aappaannik, imaluunniit imm. 2-mik, § 152 k, imm. 1, 2, 4 imaluunniit 5-mik, § 152 l-mik, § 152 m, imm. 1-mik, imaluunniit § 152 j, imm. 5-mik, imaluunniit § 152 m, imm. 2 naapertorlugu maleruagassanik aalajangersarneqartunik ingasattumik imaluunniit uteqattaartumik unioqqutitsisimappat akuersissummik Finanstilsyni arsaarinnissinnaavoq«

Imm. 4 aamma 5 matuma kingorna imm. 5 aamma 6-nngorput.

**41.** § 226, imm. 1-mi, »§ 224, imm. 1, 2, 4 aamma 5,« imatut allangortinneqarpoq: »§ 224, imm. 1, 2, 5 aamma 6,«.

- 42.** § 226, imm. 2-mi, »§ 224, imm. 2 aamma 4,« imatut allanngortinneqarpoq: »§ 224, imm. 2 aamma 5,«.
- 43.** § 253, imm. 1-mi, »§ 224, imm. 1, nr. 1 aamma 2, aamma imm. 5,« imatut allanngortinneqarpoq: »§ 224, imm. 1, nr. 1 aamma 2, aamma imm. 6,«.
- 44.** § 337, imm. 2-mi, »nr. 22-25« imatut allanngortinneqarpoq: »nr. 24 aamma 26-28«.
- 45.** § 344, imm. 8, § 347, imm. 2, § 347 b, imm. 1, oqaaseqatigiinni siullerni, § 350, imm. 4, aamma § 355, imm. 2, nr. 1, aamma imm. 3, oqaaseqatigiinni siullerni, »aningaasanik piginnittut suliffeqarfik« kingorna ikkunneqarpoq: », sillimmasiisarfimmik piginnittut suliffeqarfik«.
- 46.** § 346, imm. 1, oqaaseqatigiinni siullerni »aningaasanik piginnittut suliffeqarfiit« kingorna ikkunneqarpoq: », sillimmasiisarfimmik piginnittut suliffeqarfiit«.
- 47.** § 347, imm. 3, aamma § 373, imm. 6-mi, » imaluunniit aningaasanik piginnittut suliffeqarfik« imatut allanngortinneqarpoq: », aningaasanik piginnittut suliffeqarfik imaluunniit sillimmasiisarfimmik piginnittut suliffeqarfik«.
- 48.** § 347 b, imm. 1, imm. 2, oqaaseqatigiit aappaanni, imm. 3, 4 aamma 6, aamma § 355, imm. 1-mi, »aningaasanik piginnittut suliffeqarfik« kingorna ikkunneqarpoq: », sillimmasiisarfimmik piginnittut suliffeqarfik«.
- 49.** § 361, imm. 1, nr. 5-mi, » aningaasanik piginnittut suliffeqarfik« kingorna ikkunneqarpoq: », sillimmasiisarfimmik piginnittut suliffeqarfik«.
- 50.** § 373, imm. 2, oqaaseqatigiinni siullerni, »§§ 122 aamma 123,« kingorna ikkunneqarpoq: »§ 152 j, imm. 1, oqaaseqatigiit aappaat, imaluunniit imm. 2, § 152 k, imm. 1, 2 imaluunniit 5, § 152 m, imm. 1,«.
- 51.** § 373, imm. 3, oqaaseqatigiinni siullerni, »naapertorlugu« kingorna ikkunneqarpoq: »§ 152 k, imm. 4,«.

## § 2

*Imm. 1.* Peqqussut ulloq x.xx 2015-mi atulersinneqarpoq, taamaattorli imm. 2 takuuk.

*Imm. 2.* § 1, nr. 16-20, taamaattorli ulloq [imm. 1-mit qaammatinik sisamanik kingusinnerusumik] atulersinneqassaaq.

---

<sup>i</sup> Aalajangersagaq imatut oqaasertaqarpoq: *Imm. 1.* §§ 1, 2 aamma 4 Savalimmiunut aamma Kalaallit Nunaannut atuutinngillat, taamaattorli imm. 2 takujuk. *Imm. 2.* §§ 1 aamma 2 kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaannut atulersinneqarsinnaapput, Savalimmiuni aamma Kalaallit Nunaanni pissutsit naapertorlugit allannguuteqartillugit.